

**UDRUŽENJE POSLODAVACA
U FEDERACIJI BIH
SARAJEVO**

**Sarajevo, 27.04. 2010. godine
Broj: I- 040-1/10**

Z A P I S N I K

**sa IX redovne Skupštine Udruženja poslodavaca u FBiH, održane dana 27.04.2010. godine u
12 sati, u prostorijama ASA HOLDING u Sarajevu.**

Skupštinu je otvorio Predsjednik Skupštine gospodin Amer Jerlagić i uputio uvodnu riječ dobrodošlice prisutnim članovima Skupštine. Predsjednik je uputio posebne pozdrave Premijeru Mustafi Mujezinoviću, gospodinu Radovanu Vignjeviću, savjetniku Premijera, Ismetu Bajramoviću, Predsjedniku SSSBiH predstavnicima PK FBiH kao i drugim gostima koji su prisustvovali Skupštini.

Prije nego što je Predsjednik Skupštine predložio dnevni red zamolio je goste da se obrate.

Članovima Skupštine su se obratili Premijer Vlade FBiH gđin. Mustafa Imamović, gđin. Ismet Bajramović, predsjednik SSSBiH, i gđin. Avdo Rapa, predsjednik PK FBiH koji su izrazili svoju spremnost za saradnju sa UPFBiH i zaželjeli uspješan rad Skupštini.

Predsjednik je prema listi prisutnih utvrdio da je na ovoj Skupštini prisutno 47 članova. Obzirom da je kvorum 40 prisutnih članova Skupštine Predsjednik je konstatovao da Skupština može punovažno odlučivati.

Predsjednik Skupštine je predložio sljedeći:

D N E V N I R E D

- 1) Izbor verifikacione komisije, zapisničara i ovjerivača zapisnika;
- 2) Razmatranje i usvajanje zapisnika sa VIII redovne Skupštine UPFBiH,
- 3) Razmatranje i usvajanje Prijedloga Izvještaja o radu U.O. UPFBiH za 2009. godinu, izvjestioc Nihad Imamović;
- 4) Razmatranje i usvajanje Prijedloga Izvještaja delegacije ESV-a za 2009. godinu, izvjestioc Predrag Čović;
- 5) Razmatranje i usvajanje Prijedloga Finansijskog izvještaja UPFBiH za 2009. godinu, izvjestioc Remzo Bakšić;
- 6) Razmatranje i usvajanje Prijedloga Programa rada UPFBiH za 2010. godinu, izvjestioc Nihad Imamović;
- 7) Razmatranje i usvajanje Prijedloga Finansijskog plana UPFBiH za 2010. godinu, izvjestioc Remzo Bakšić;
- 8) Razmatranje i usvajanje Nacrta odluke o visini članarine, izvjestioc Mladen Pandurević
- 9) Razmatranje i usvajanje Nacrta Statuta o izmjenama i dopunama Statuta, izvjestioc Mladen Pandurević;
- 10) Predlaganje Skupštini za izbor:
 - a) predsjednika i dva zamjenika predsjednika Skupštine

b) 2 člana Ekonomsko socijalnog vijeća u FBiH

Predsjednik Skupštine je upoznao prisutne da su za sve tačke dnevnog reda ste dobili materijale zamolio prisutne da se izjasne da li prihvataju predloženi dnevni red.

ZAKLJUČAK: Dnevni red jednoglasno usvojen.

RASPRAVA PO TAČKAMA DNEVNOG REDA:**I tačka – Izbor verifikacione komisije, zapisničara i ovjerivača zapisnika**

Predsjednik Skupštine je istakao da je zadatak komisije da konstatuje rezultate glasanja. Za članove komisije predlažu se gđa. Silvana Purivatra i gđica Melba Podgorica.

Prijedlog za zapisničara je Mersiha Kurspahić, sekretar Udruženja poslodavaca u FBiH a za ovjerivače zapisnika gđin. Hasan Bećirović i gđin. Hamed Šivšić.

ZAKLJUČAK: Obzirom da nije bilo novih prijedloga, prijedlozi da se za članove verifikacione komisije imenuju gđa. Silvana Purivatra i gđica Melba Podgorica, za zapisničara Mersiha Kurspahić a za ovjerivače zapisnika gđin. Hasan Bećirović i gđina. Hamed Šivšić su jednoglasno usvojeni.

II tačka - Razmatranje i usvajanje zapisnika sa VIII redovne Skupštine Udruženja poslodavaca u Federaciji BiH

Predsjednik je napomenuo da su svi dobili zapisnik u materijalima i stavio zapisnik na glasanje te zamolio prisutne da daju svoje primjedbe.

ZAKLJUČAK: Zapisnik jednoglasno usvojen u predloženom obliku.

III tačka: Razmatranje i usvajanje Izvještaja o radu U.O. UPFBiH za 2009. godinu**VI tačka: Razmatranje i usvajanje Prijedloga Programa rada UPFBiH za 2010. godinu**

Predsjednik je pozvao gospodina Nihada Imamovića, predsjednika U.O. UPFBiH da izvjesti prisutne o ovoj tački dnevnog reda. Također je predložio, s obzirom da je gđin Imamović izvjestioc i za 6. tačku dnevnog reda da istovremeno izjesti prisutne o Programu rada UPFBiH za 2010. godinu.

Svi prisutni su se složili sa prijedlom Predsjednika da gđin. Imamović izvjesti prisutne po 3.i 6. tački dnevnog reda.

Vezano za Izvještaj o radu UPFBiH za 2009. godinu gđin. Imamović je napomenuo prisutnima da su materijale dobili. Iz izvještaja o radu koji se sastoji od VI poglavlja gđin. Imamović je posebno naglasio rad ESV-a i izrazio zahvalnost delegaciji UPFBiH u radu ESV-a koja je dala ogroman doprinos kako u pripremanju materijala tako i u samom radu na sjednicama. Dalje je naglasio da su svi materijali za ESV razmatrani na UO. Dalje je istakao da je UO u 2009. godini imao 9. sjednica na kojima su razmatrana značajna aktuelna pitanja i veliki broj Zakona koji su u proceduri. Nadalje, istakao je da je Stručna služba uradila veliki dio posla i također dala veliki doprinos u radu UPFBiH. Također je istakao veoma korektnu saradnju sa sredstvima javnog informisanja od kojih je UPFBiH imalo podršku u aktivnostima. Dalje, istaknuta je saradnja sa međunarodnim organizacijama kao i sa Udruženjima poslodavaca iz zemalja u regionu kao i

doprinos u radu APBiH na državnom nivou. Najveći rezultat u podršci radu APBiH je članstvo u Bussines Europe, istakao je gđin. Imamović. Dalje UPFBiH je dalo veliki doprinos vezano za formiranje ESV-a na državnom nivou. Vezano za usluge članovima UPFBiH stručna služba i UO su dali veliki doprinos po pitanju davanja usluga za svoje članove.

Vezano za Program rada UPFBiH za 2010. godine gđin. Imamović je istakao da je Program rada previše ambiciozan, ali da ukoliko želimo napredovati i ostvariti naše ciljeve Program rad mora biti ambiciozan. U svom izlaganju posebno je napomenuo da UPFBiH očekuje i dalje aktivan rad ESV-a a posebno aktivan rad od strane Vlade FBiH kao jednog od socijalnih partnera budući da je do sada nedostajala aktivnost Vlade FBiH za razliku od druga dva socijalna partnera koji su dali izuzetan doprinos. Dalje je istakao da će u narednom periodu budžet biti povećan kako bi mogli angažovati i stručnjake za analize.

Predsjednik se zahvalio gđinu. Imamoviću i obzirom da su ove dvije tačke usko povezane predložio da se diskusija vodi istovremeno o navedene dvije tačke a glasanje da se izvrši posebno.

Prijedlog: Skupština je predložila da se prisutni izvjestite i po ostalim tačkama dnevnog reda od tačke 3 do tačke 7 i nakon toga da se otvori rasprava.

IV tačka: Razmatranje i usvajanje Izvještaja delegacije ESV-a

Vezano za ovu tačku dnevnog reda Predsjednik je pozvao gospodina Predraga Čovića da izvjesti prisutne o radu U ESV-u.

Gđin. Čović je napomenuo da su svi dobili materijale: U svom izvještavanju je istakao da je rad delegacije u ESV-u bio na zadovoljavajućem nivou, te da je održano 10 redovnih sjednica na kojima je razmatrano 12. prijedloga Zakona. Posebna pažnja je posvećena vezano za Program mjera za ublažavanje globalne Ekonomske krize. Također je istakao da je prisustvo delegacija poslodavaca na sjednicama ESV-a bilo većinom 100% prisutnost. Dalje je istakao da se kroz rad ESV-a uspjelo reagovati na Zakon o radu, Zakon o privrednim društvima, doprinosi na turističke zajednice i dr.

V tačka: Razmatranje i usvajanje Finansijskog izvještaja UPFBiH za 2008. godinu

VII tačka: Razmatranje i usvajanje Prijedloga Finansijskog plana UPFBiH za 2010. godinu

Obzirom da su tačka 5. i tačka 7. usko povezane i da je izvjestioc po obje tačke gđin. Remzo Bakšić predsjednik je pozvao gđina. Bakšića da izvjesti prisutne po tačkama 5. i 7. dnevnog reda.

Gđin Bakšić je upoznao prisutne sa navedenim tačkama dnevnog reda ističući da su prihodi od članarine unatoč recesiji ipak na većem nivou u odnosu na prošlu godinu. Također je istakao da nije bilo deficita. Što se tiče Finansijskog plana za 2010. godinu gđin. Bakšić je istakao da je u skladu sa Programom rada vrlo ambiciozan te da je potrebno učlaniti nove članove kako bi mogli ispuniti cilj iz finansijskog plana. Predviđena su znatna povećanja prihoda za oko 40 % i bitno je da organizacija povećava svoje članstvo i potreban je veći angažman svih članova Udruženja poslodavaca FBiH. Također je istakao da je uvjeren u to da će Udruženje zajedničkim snagama svih članova uspjeti ostvariti finansijski plan.

Nakon izvještavanja gđna. Bakšića Predsjednik je otvorio diskusiju po svim tačkama dnevnog reda od tačke 3. do tačke 7.

U diskusiji po svim tačkama dnevnog reda učestvovali su gđin. Nijaz Skenderagić, gđin. Alija Šabanović, gđin. Mustafa Uzunalić, gđin. Mladen Pandurević i gđin. Eldin Brčaninović.

Gđin. Nijaz Skenderagić je istakao da je potrebno tražiti izmjene Zakona o protivpožarnoj zaštiti budući da je taj zakon veoma poguban za poslodavce. Dalje je istakao da UPFBiH mora da se nametne Vladi i da javno zahtjeva da se Zakoni koji su od velikog interesa za poslodavce moraju raspravljati u organizacijama poslodavaca.

Gđin. Alija Šabanović je istakao da se u Programu rada treba tražiti veću saradnju sa predstavnicima Vlade i nastojati da se neke stvari promjene u smislu saradnje sa predstavnicima vlasti. Dalje je predložio da UPFBiH hitno mora zahtjevati od Vlade FBiH da hitno analiziraju ekonomski položaj i ekonomsko stanje nosilaca razvoja po djelatnostima, tu se prije svega misli na one koje imaju savremene tehničke, tehnološke i kadrovske potencijale i da im se odmah pruže određene mjere. Dakle, to bi bio jedan prijedlog za zaključak u pogledu zaštite domaće proizvodnje napomenuo je gđin. Šabanović.

Gđin. Mustafa Uzunalić je istakao je da je BiH najslabija u proizvodnji. Također je istakao da nije usaglašen stav po pitanju ljetne i zimske tarife el. energije i da je to veliko opterećenje za privrednike. Predložio je da jedna tačka u Programu rada treba biti informacija iz privrede i prepreke sa kojim se poslodavci susreću u privredi. Naveo je član 60. stav 3. Zakona o zdravstvenom osiguranju koji bi trebalo izmjeniti.

Gđin. Amer Jerlagić je pozvao sve poslodavce da prisustvuju javnim raspravama koje organizuje FERK i da se pokrene inicijativa za ukidanje ljeto-zima tarife el. energije.

Gđin. Pandurević se javio za riječ i istakao da je UPFBiH u protekloj godini urdilo zaista mnogo. Između ostalog istakao je potpisivanje Programa mjera za ublažavanje posljedica globalne ekonomske krize, zatim smanjenje doprinosa za turističke zajednice, reagovanje na Zakon o protivpožarnoj zaštiti i dr. aktivnosti u cilju stvaranja povoljnijeg poslovnog okruženja što je prioritetna aktivnost Udruženja. Udruženje poslodavaca u FBiH je uspjelo da bitno utiče na Zakon o privrednim komorama, Zakon o radu, Zakon o električnoj energiji. Zatim na inicijativu UPFBiH je Agencija za bankarstvo je promjenila propise što je veoma bitno za poslodavce. Dalje UPFBiH je pokrenulo inicijativu za Izmjene i dopune Općeg kolektivnog ugovora i potpisalo Protokol o izmjenama i dopunama OKU. UPFBiH je također izradilo prijedlog Zakona o ESV-u koji će omogućiti efikasniji rad ESV-a.

Gđin. Brčaninović je istakao da je pravi način rješavanja problema u privredi rad kroz Udruženje poslodavaca u FBiH. S tim u vezi pozvao je sve prisutne da se aktivnije uključi u rad i da daju svoje komentare i prijedloge kada se to od njih zahtjeva. Također je istakao da bi Udruženju poslodavaca bilo od velikog značaja podrška eksperata i stručnih osoba iz firmi članica.

Nakon diskusija Predsjednik je istakao da će komentari, prijedlozi i sugestiji biti ugrađeni u zapisnik te dao na usvajanje tačke od 3 do 7.

Ad. 3.

Zaključak: Izvještaj o radu UPFBiH za 2009. godinu je jednoglasno usvojen.

Ad. 4.

Zaključak: Izvještaj o radu delegacije EV-a je jednoglasno usvojen.

Ad. 5.

Zaključak: Finansijski izvještaj za 2009. godinu je jednoglasno usvojen.

Ad. 6.

Zaključak: Program rada UPFBiH za 2010.godine je jednoglasno usvojen uz date prijedloge.

Ad. 7.

Zaključak: Finansijski plan za 2010. godinu je jednoglasno usvojen.

VIII tačka: Razmatranje i usvajanje Nacrta odluke o visini članarine

IX tačka: Razmatranje i usvajanje Nacrta Statuta o izmjenama i dopunama Statuta

Obzirom da su 8 i 9 tačka usko povezane Predsjednik je ponovo predložio da se istovremeno izlože ove dvije tačke i da se istovremeno raspravlja a glasanje će se kao i u prethodnim slučajevima izvršiti odvojeno.

Obzirom da su se svi složili sa navedenim prijedlogom Predsjednik je pozvao gđina. Pandurevića da izvrši prisutne po ovim tačkama dnevnog reda.

Gđin. Mladen Pandurević je prvo upoznao prisutne sa 9. tačkom dnevnog reda „ Statut o izmjenama i dopunama Statuta“ ističući da je novim izmjenama predviđena mogućnost da UO donese Odluku o smanjenju članarine za kompanije koje zbog poteškoća u poslovanju nisu u mogućnosti plaćati članarinu prema Odluci Skupštine. Dalje, predviđena je mogućnost da UO u periodu između dvije Skupštine, može izvršiti zamjenu člana Ekonomsko socijalnog Vijeća. Zatim da u slučaju podjednakog broja glasova prilikom donošenja Odluke UO glas predsjedavajućeg je odlučujući. Posljednja izmjena je mogućnost sazivanja elektronske sjednice u slučaju hitnosti.

Vezano za Odluku o visini članarine gđin. Pandurević je istakao da Odluka stupa na snagu 01.01.2011. godine a da je članarina povećana u iznosu od manje od 10% te da je uveden novi način plaćanja članarine. Novi način je da uspješne kompanije koje imaju dobit plaćaju dodatnu članarinu, a sve u cilju podsticaja rada Udruženja.

Predsjednik se zahvalio gđinu. Pandureviću i otvorio raspravu po ovim tačkama dnevnog reda.

Vezano za Odluku o visini članarine Predsjednik je istakao da Elektorprivreda dd neće moći podržati predložene izmjene budući da se radi o velikom povećanju.

U diskusiji po pitanju povećanja članarine učestvovali su svi prisutni i prijedlog većine članova je da se ova tačka skine sa dnevnog reda budući da članovi nisu prije početka Skupštine upoznati sa ovim materijalom kako bi se o njemu mogli očitovati.

Predsjednik je predložio da ukoliko su delegati za to, da se tačka 8. skine sa dnevnog reda.

Predsjednik je stavio na glasanje Statut o izmjenama i dopunama Statuta kao i prijedlog da se

Odluka o visini članarine skine sa dnevnog reda i da se naknadno donese novi prijedlog odnosno novi zaključak.

Zaključak: Statut o izmenama i dopunama Statuta je jednoglasno usvojen u predloženoj obliku. Vezano za Odluku o visini članarine Skupština je većinom glasova sa 1. glasom protiv Odlučila da se tačka 8. skine sa dnevnog reda te da se o naknadno donese novi prijedlog Odluke.

X tačka: Predlaganje Skupštini za izbor:

- a) predsjednika i dva zamjenika predsjednika Skupštine
- b) 2 člana Ekonomsko socijalnog vijeća u FBiH

Predsjednik je zamolio gđina. Nihada Imamovića da izjesti prisutne o ovoj tački dnevnog reda.

Vezano za prijedlog za **Predsjednika i dva zamjenika predsjednika gđin. Imamović je istakao da je prijedlog UO da se reimenuju postojeći članovi a to su gđin. Amer Jerlagić, predsjednik Skupštine, gđin. Nuko Grebović, zamjenik predsjednika Skupštine i gđin Mišo Krunić, zamjenik predsjednika Skupštine.**

Zaključak: Prijedlog UO je jednoglasno usvojen.

Gđin Imamović je također obavijesto prisutne da je gđin. Mladen Pandurević na sjednici UO imenovan za direktora Udruženja poslodavaca u FBiH. Gđin Hasan Bećirović je imenovan za potpredsjednika UO UPFBiH a za članove UO imenovani su gđin. Mustafa Burgić iz Tuzle, gđin. Sabahudin Žujo iz Sarajeva i gđin. Safudin Čengiđ iz Sarajeva.

Zaključak: Odluke UO su jednoglasno verificirane od strane Skupštine.

Vezano za 2 člana ESV-a gđin. Imamović je istakao je da su dosadašnji članovi pored Predsjedavajućeg Predraga Čovića, članovi ESV-a Mladen Pandurević, Eldin Brčaninović, Mehmed Čorhodžić i Miralem Jahić. Obzirom da je gđin. Miralem Jahić podnio ostavku a gđin. Mehmed Čorhodžić zbog odlaska u penziju nije više u mogućnosti biti član ESV-a gđin. Imamović je istakao da se moraju imenovati dva nova člana ESV-a. Također je istakao da će sa donošenjem Zakona o ESV-u koji je u proceduri biti potrebno imenovati još jedan član ESV-a budući da Zakon predviđa 6 članova ESV-a svakog socijalnog partnera.

Gđin. Imamović je istakao da je prijedlog UO da se za članove ESV-a imenuju gđin. Edin Ibrahimpašić iz Bihačke pivovare, gđin. Selim Babić iz Udruženja poslodavaca komunalne privrede, a za 6-og člana gđin. Tomislav Slišković iz Sarajevskog kiseljaka koji će obavljati dužnost člana ESV-a stupanjem na snagu Zakona o ESV.

Zaključak: Prijedlozi UO su jednoglasno usvojeni.

XI tačka: Razno

Pod ovom tačkom gđin. Imamović je obavijestio prisutne da se u narednom periodu očekuje formiranje ESV-a na državnom nivou. Prema Sporazumu koji je već pripremljen APBiH treba imenovati 7 predstavnika od toga 3 iz UPFBiH.

S tim u vezi gđin. Imamović je predložio da Skupština donese Odluku i da ovlasti UO da imenuje članove ESV-a na državnom nivou kada se za to ukaže potreba.

Zaključak: Prijedlog gđina. Imamovića je jednoglasno usvojen. Skupština je ovlastila UO da imenuje 3. člana ESV-a BIH ispred UPFBiH kada se formira ESV na državnom nivou.

Skupština je završena u 13:00 sati

ZAPISNIK SAČINILA

Mersiha Kurspahić

Ovjerivači Zapisnika

Hasan Bećirović

Hamed Šivšić

PREDSJEDAVAJUĆI

Amer Jerlagić